



Universitätsbibliothek Paderborn

**R.P. Clavdii Aqua-Vivae Societatis Iesv Præpositi
Generalis V. Meditationes In Psalm. 44. et 118**

Acquaviva, Claudio

Coloniæ Ubiorum, 1616

3 Non enim qui operantur iniquitatem, in vijs eius ambulauerunt.

[urn:nbn:de:hbz:466:1-50645](#)

232 MEDITATIONES

*Sap. 6.**Apoc. 3.**Ioan. 4.*

foribus tuis inuenies illum : inquisitione
lætaberis, qualicunque inuentione, quan-
tum sat est in hac vita , etiam summis la-
bijs libando reficeris, donec ad plenitudi-
nē fontis admissa inde toto pectorē hau-
rias vnde nusquam sitias , perpetuō ine-
brieris, in æternū viuas : quia ipse est
fons vitæ, & sempiterni luminis.

3. Non enim qui operantur iniquita-
tem, in vijs eius ambulauerunt.

Vox hebræa non modò iniquitatem si-
gnificat, sed etiam peruersiōnem, frau-
dem, stultitiam : quæ rectissimè quadrant
in eos , qui viam Domini derelinquent.
Dicuntur autem, qui iniquitatem sectan-
tur, non ambulare in vijs Domini : quod
perinde est, ac si dicas , Iniquitas iustitia
est non potest , nec retortuositas rectitu-
do. Ex quo etiam latenter indicatur, quo-
niām beatos dixerat eos , qui ambulant in
lege Domini illos è contrario, qui iniqui-
tatem operantes in vijs eius non ambu-
lant, omnino miserōs esse. Quorū mi-
seria eo magis miseranda est, quod cùm
peruersitatis individua sit comes miseria,
isti peruersi non solum mali esse volunt,
& miseri nolunt, quod fieri non potest,
sed ideo volūt mali esse, ne miseri sint. Via
autem hæc impiorum, quam Scriptura
tenebrosam vocant, spinarū, & fouearum
plena, à iustorum semitis , quæ quasi lux
splen-

*Miseri,
qui pec-
cant.**S. Aug. in**Psal. 32.**Via pec-
catorum
qualis.**Prov. 4.*

splendent, &c via differt, & termino. Termino quidem, quia hæc in luctus, tenebras, & mortem definit; illa vero ad æternam lætitiam, lucem, vitamque terminatur. Nam etsi via impiorum præ cœcitatem cordis, & affectus peruersitate ipsis, ut Sapientis loquitur, complanata lapidibus videntur (id est, strata, atque percommoda) in fine tamen illorum, inquit, inferi, & tenebrae, & pœnae. Vides quam dispar exitus viæ veriusque. Sed & in hac ipsa via, quas difficultates, quas miserias experientur pulcherrimè apud Iob describitur.

Eccles. 21.

Iob. 18.

Qui postquam dixit de extinctione ignis, & lucernæ impij, subdit Arctabuntur gressus virtutis eius (qui scilicet fortè se, & in lata via præsumebat ambulare, sed parum est.) Immisit, inquit, in rete pedes suos & in maculis eius ambulat, tenebitur planta illius laqueo (siquidem ab ipsis retis maculis pedem abstrahere nequit, sed de difficultatibus in difficultates, de impedimentis ad impedimenta properat, & quo se magis expedire putat, grauius illigatur.) Et exardescet contrà eum sitis (quam utique extinguere nequit.) Videnda reliqua, que ibi graphicè Scriptura depingit. Et a-

c. 24.

libi. Litus est, ait, super faciem aquæ, (id est inconstans, & fluidus, alieno facile terminabilis, nullo proprio termino consistens.) Maledicta sit pars eis in terra: nec nearum ambulet per viam vinearum: Non est hæc qua-

via

Via vi-

734 MEDITATIONES

Marc. 9.

via vinearum cursim præcurrenda. Bonum est nos hic esse. Via vinearum iustis longitudine recta est, latitudine delectabilis, decursibus aquarum irrigua, viriditate grata, florum varietate arridens, pinguissimis botris fœcunda, oliuarum copia curue-scens, fructuum vbertate ditissima. Quod idem est, ac si dicas, rectitudine, patientia, & longanimitate insignis, caritatis, & securitatis ope latissima, gratiarum calestium irrigatione, sanctæ spei perpetua possessione virescens, virtutum floribus, & orationibus vernans, botris lætitiae spiritualis inebrians, misericordiæ visceribus pinguescens, bonorum operum fratribus affluens: denique de pomis cœli, de pomis fructuum solis, & lunæ (inde enim fructus, inde poma, quæ Dilecto vetera sequuntur, & noua, id est, subinde nascentia continua vbertate fœcunda. At contra, eorum, qui operantur iniquitatem, breuis, & tortuosa, angustia intolerabilis, ariditas siticulosa, siccitate squalida, spinis, & sceribus horrida, perpetua sterilitate marcida, nulla spirituali vñctione hilaris, fructuum inopia pauperrima, solius egestatis abundans, & diues: uno verbo, ijs omnibus diuitijs, & delicijs carens, quæ de ambulantibus in vijs Domini, indeque beatis breuiter perstrieta sunt. Non est proinde illis ambulare per viam vinearum. Quomodo enim id possint quibus, vt stultis,

Deut. 33.

Cant. 7.

simis, nec vinea est: Quomodo enim vi- *Bernard.*
nea, vbi nihil plantatum, nihil clabora- *ser. 63. in-*
tum vspiam paret? Tota spinis sylvestris, *Cant.*
& tribulis stulti vita, & vinea est: Non est
ibi viris virtutis, non botrus boni operis,
non vinum lētitiae spiritualis.

¶ Tu mandasti mandata tua custodiri
nimis.

ET nimis mandasti, & mandasti, vt ni- *Quam se-*
mis custodirentur. Vtrumque enim in- *rio māda-*
telligi potest, & vtrūque verum est. Quod *rit Deus*
autem tu mandaueris nimis, id est, valde *custodiri*
serio iniunxeris, & volueris valde exacte *mādata.*
custodiri, ex multis facile colligi potest.

Sive cum transgressionem grauter puni- *Apparet*
fi, vt patet in Angelis, primis cæli habi- *primo ex*
tatoribus: quos, cum non seruassent suum *pœna An-*
principatum, sed dereliquerint suum do- *gelorum.*
michilium, in iudicium magni diei vincu- *Apoc. 12.*
lis eternis sub caligine reseruasti. Et in ho- *20.*
minibus, quos cum terra aquis diluuij Secundò,
disperdisti, tametsi per contemptibile li- ex dilu-
gnum iustum misericorditer gubernasti. uio.
Sive cum ob id, quod in se malum non *Gen. 7.*

erat, malum tamen ob transgressionem, *Sap. 10.*
exempla tuæ justitiae edidisti. Quis enim *Tertio, ex*
non contremiscat, cum videat primum ho- *pœna rei*
minum parentem ob solum pomi esum non male-
ita panitum, vt paradiſo ciecius, & terra transgres-
sionem, nisi ob propter ipsum maledicta, cum vniuersa fionem,
flirge laboribus, doloribus, & morti addi- *Gen. 3.*
ctus